

寶應縣志卷十五

人物志

篤行

明

柏叢桂

陳綱

陳言楊
舉等

湯謨

王勛

刁伋

張禮

范畚

趙綱

劉繼善

劉孟夏

喬份

王允錫

范仲濂

姪之
熊

朱爾遠

喬夢斗

子嚴

清

王當泰

王有容

徐宿

祁諫
等

劉純學

弟正
學

寶應縣志

卷十五

目

人物志

劉典學

刁神

鄭璉

王凝鼎

子式
旦

喬蔭

子出
塵

王封

喬英

成於樂

劉士壯

喬崇祖

梁柱相

劉中從

劉東

朱宗光

弟宗
文

劉世讜

朱宗贄

成光祿

子邦
鷗

喬燮劉祈

華詣陶

喬德
謙

詣陶子廷璧李廷選
張淳程大來

朱聯鏞

子士楨士恭
士楨子百道兄

子士
佳

苗之鋌

祁宗亮
湯品槐

王瑤楨

胡桂宣

劉鵬

子孫蔭蔚藻
孫啓彰啓彭

吉懷慶

弟延
慶等

程文

吳

榛

子禱森
徐攀桂

劉鈞

劉同苞

子三濤
三湘

居廣

弟康
序

陸燾 從子嘉禧
從孫嶧

喬元臣

芮鴻飛

芮鴻儀

刁鳳階 子崇謙

郝承恩

芮嗣奎 芮序璋

芮光泉

朱百莢

朱百爲 從姪
芝生

徐鑄金 弟廷槐

朱雲生

弟綬生兄
子孫苾

王聯鑣

喬迺寬

劉奉詔

朱樹枏

劉弼

劉煥庭

劉穀劉丙奎
劉喜生劉筵

丁乃元

刁雲慶

周之德

任珏

相文煥 子璪
有熊

胡壬源

王毓敏

林桂枝

王國棟

柏曉芹

戴聯慶

張崇先 王津春

郭維濟

潘蔭森

弟蔭穀

劉元熙

寶應縣志

卷十五 目

二

人物志

寶應縣志卷十五

人物志

篤行

柏叢桂洪武時人建言請築塘岸起槐樓達界首四十里以備水患有司寢不行叢桂更相度地形畫圖上疏陳利害甚悉詔發淮揚丁夫五萬六千俾叢桂董其役期月工成鄉人呼爲柏家堰

道光志

陳綱爲人喜施與正統五年江淮大饑人相食天子遣戶部主事何來學賑濟募民出粟一千石者復其家綱出粟至一千五百石活人甚衆嘉靖時有陳言者亦善

寶應縣志

卷十五

篤行

三

人物志

施與十七年大疫施棺至千餘二十八年饑出粟一千石詔如陳綱例復其家父富子坤皆喜施與每值歲饑輒出粟數百石賑之邑修儒學言助白金六百兩言孫應奎又施地開學前街通迎秀門蓋累世尙義云又有楊皋者亦喜施與數出粟賑饑凡邑有義舉必藉皋以成如建忠佑橋疏康濟河皆皋力也孫啓芳舉於鄉仕

至漢中府同知

道光志

湯謨字君顯縣學生嘗於南城外開小酒肆歲暮門已閉忽於酒案下得遺金橐久之無問者物色之數年始見常來飲而久不來之老者覺甚篋於前詰之答曰予

不肖於某年除夜醉歸失金一橐因醉忘其處故貧謨
詢其數相符因取還之其子機仕至直隸灤州同知孫
執中仕長葛縣知縣曾孫夢禎仕豐縣訓導皆以行稱

道光志

王勛字底成正德丙子舉人資性淳篤不事矯飾鄉人
咸稱長者令邵武甯鄉兩縣敷惠愛人民至今懷之

志

道光

刁伋字進之嘉靖三十一年歲貢生爲人醇謹生平無
可怒可憂之事有犯者杜門避之心無忤也任新昌縣
知縣甫八月乞歸與數老結社歌詩年幾九十疾革置

寶應縣志

卷十五

篤行

四

人物志

酒別同社正襟而逝

道光志

張禮字天秩邑諸生也性淳篤事繼母丁氏以孝聞歲
試需次食廩餼以友人疾卒弗忍代也有婿未委禽而
貧欲解約禮自飾嫁奩以女歸之更爲治生業禮多善
行此二事尤傳誦精易學人稱東湖先生子易習旦習
旦皆成進士禮封中書舍人贈戶部郎中

道光志

范畚字耘夫少孝友及長兄弟求分異畚以產讓之而
復自力成家後兄弟中或貧更以己貲贍之以故族人
被其教皆醇謹無過子韶貴封戶部員外卒年八十八
時有趙綱者字公銳治家有風規子弟皆謹飭鄉人訓

於家者輒曰汝幸勿媿趙氏子弟

道光志

劉繼善字元卿號春宇永澄父也先世吳人遷寶應代有長者至繼善父憲益務隱德年八十餘操履不衰繼善少攻苦以學行噪於時孝事繼母三舉優行以歲貢授鎮江府訓導砥礪士行督學楊廷筠按知其賢將疏薦於朝繼善以思親乞歸牘屢上未得報竟棄官歸閉門掃跡日手一編時貴過江淮踵門來見繼善謝曰漫勞車駕實無短長終守踰垣之節天啓中卒繼善爲人端嚴不輕嘖笑坐立無欹容雖盛暑燕居衣冠肅然永澄官京師寄兩褐奉祖父其祖憲曰此官物古人曷爲

寶應縣志

卷十五

篤行

五

人物志

封鮓且吾齊民不樂御繼善亦不御一庭之中硜硜如石故永澄得遂其冰蘖之守者祖與父有以成之也先是邑宰淄川韓介延繼善師度竟韓任修脯外一無所干韓特重繼善恆有所諮問輒謝絕不言其以道自茹多類此邑令陳燿屬吳敏道修縣志繼善及范之默與焉繼善所著有掩關集行於世

道光志

劉孟夏字化光隆慶二年歲貢生賦性高潔嚴正不阿事寡母至孝文名藉甚治尚書業江淮間人士不遠數百里往從之數奇不第晚始選授河陰縣訓導遷潛山縣教諭兩邑士皆山斗仰之妻歿子亦夭遂拂袖歸與

吳南華輩結詩社家徒四壁澹如也耿令隨龍高其誼
屢請爲賓筵且念之曰仁者可令無後乎捐俸爲娶婦
又歲荒爲治生計及卒棺衾無資陳令燿捐廉以賻逝
之日遠近聞者咸爲悼涕

道光志

喬份字古村祖居柘溪奕世多陰德父邦從尤行義好
施份生有異徵長而淳樸孝友居鄉退讓喜賙人急百
里中多待以舉火者嘗拾遺金於道坐待其人還之市
木興化商客悞多發木份歸始知之馳百里往告計其
值償焉莊田有吉壤值大疫死者枕藉份惻然卽以其
地施爲義塚又嘗貸息錢於鄰莊歲不登盡焚其券累
數百金有素識者貸米百餘石市之淮歸以折閱告實
以其貲娶室生子且置田畝或以告份笑而不答遇其
人如初其敦篤不自爲德多類此卒年七十四遠近聞
之皆感嘆曰安得更有此寬仁長者乎子可仕禮部儒
士可聘別有傳份子孫科目已至八世人咸謂其遺澤
孔長也

道光志

王允錫字君懷邑諸生與兄分爨時自擇瘠田讓腴者
與兄鄉人柏某罹冤獄爲白於令且代償贖鍰又焚朱
某券返其田撫李唐二姓孤有恩子彬彬字子野順
治三年舉人丁亥會試副榜仕德興縣知縣彬字修木

邑諸生

道光志

范仲濂字懷宇明季由休甯遷寶應是時役煩賦重徵收繁劇推里民殷實者董其事仲濂與焉會某令徵收急民有既完納猶以後期爲罪者仲濂悉縱去之崇禎間大水歲侵催比尤難仲濂視簿內欠一兩以下者皆代完不下數百戶貧民以蘇又有誣盜案株連凡十七人仲濂爲白其寃皆得釋兩舉鄉飲賓子之俊以順治三年舉於鄉姪之熊字仲祥性淳厚遇饑寒鰥寡輒振濟之必得其所邑興作如築文筆峯改水關剏烈女祠皆捐貲首倡又獨建文正公祠值淮水泛濫之熊倡議

寶應縣志

卷十五

篤行

七

人物志

決西堤使水入湖東堤獲保邑中蒙其福而之熊爲仇家所訐幾罹重罪僅而得免云

朱爾遠字叔識號默庵邑諸生篤於孝友尤喜濟人順治初歲再饑爾遠與邑人積粟北郭泰山殿煮粥以賑存活無算倣高忠憲同善會每月積金冬授衣病施藥死給棺又買地爲義阡貧民歸葬者近千冢湖廣庶吉士朱士冲假歸過寶應疾殆爾遠視之見其子然一舟因爲治棺及含殮具士冲枕上叩首而歿縣丞邵輔禎蒞任甫九日卒爾遠殮之且捐貲俾扶櫬歸邑儒學傾

圮會漕督都御史蔡士英檄郡縣修學宮

行述作提學張公檄修儒學

爾遠卽請於邑令同生員胡克濟等督工修葺殿宇廊
廡及鄉賢名宦諸祠頓改舊觀爾遠捐費不貲復自建
魁星閣以鎮巽方文曜性尤坦易雖以子克簡貴受封
中書恆徒步里閭間遇貧賤交無倨容人以此益敬之
舉鄉飲大賓一十有七卒祀鄉賢

道光志嘉
慶府志

喬夢斗崇禎末江淮大饑人相食夢斗賑粥於北門外
之泰山殿費不下千金寒給絮喪助棺嘗中途值裸者
解衣衣之忍凍而歸丐者扣門必和顏溫慰親持糜以
食之終其身不怠子巖字維石邑諸生繼父志益喜施
與順治十一年歲大饑巖出粟爲糜食饑者日千餘人

寶應縣志

卷十五

篤行

八

人物志

歷冬春不倦時喬御史可聘亦出粟賑救而巖所出粟
爲多存活者不可數計漕督都御史蔡士英奏聞並詔
旌之巖又嘗置義田義塚族黨稱頌之不衰

道光
志

王當泰字二交順治八年歲貢生爲人謹厚嘗與友人
就試泰州歸舟過仙女廟當泰登岸如廁友揚帆去棄
藍衫包頭巾篋於道當泰不得已負而趨體肥不前觀
者笑失聲行五里餘始及舟終無愠色垂老選汝陽縣
知縣卒於官歸裝空囊而已弟當晉邑諸生年八十餘
卒亦長者

道光
志

王有容字遠度少侍顧端文高忠憲兩公力學砥行有

利濟之志久之不遇以順治八年歲貢授知縣需次里門與喬御史可聘劉處士心學倡同善會賙鄉人康熙二年選泰和縣知縣時年七十有八矣子凝鼎等阻其行有容曰不然余志存利物今得作親民官敢以老辭耶治泰和一年餘却耗贈薄徭役修葺學宮及楊文貞羅文莊王文端祠泰和人謳思之入祀名宦子姓繁衍科弟不絕

道光志

徐宿性謹愿嘗於河下拾金一餅待其人還之又有祁諫李振先皆樂爲善諫鄰右火至諫居忽反風而滅振先亦好施與時並稱之

道光志

寶應縣志

卷十五

篤行

九

人物志

劉純學字汝純號松庭永沁子明末邑諸生棄去與梁商邱以樟王金吾世德閻孝廉爾梅王處士猷定及僧松隱爲遁世交性磊落遇事感奮挺任不回泰州姜某陷冤獄邑人朱四輔謀之純學純學立傾篋屬用事者得釋與姜素不識面也又邑諸生張某觸某教諭怒申報督學將鐫斥純學曰非其罪也力解於某先生轉白學使亦得免河臣濬漕渠議取寶邑民夫二萬有奇純學曰疲邑加重徭民死矣見當事挺身力爭當事怒邑令曰此邑君子也怒解得減工役純學性孝友弟正學蚤逝撫其子如己出正學字汝正與兄並慷慨喜交海

內聞人

道光志

劉典學字柳橋明諸生甲申後隱於鄉爲人寬厚篤行
誼康熙間邑大水子嬰隄將決獨捐資任其難民利賴
之謂之金隄建漢臧洪陳容祠及烈女戚家婦明寶應
知縣耿隨龍祠立廟奉始祖春秋率子弟祀焉姊適仲
氏貧甚母家王氏亦貧恤之甚至典學持身恭謹尤以
禮法化其鄉里舉鄉飲大賓子十人孫曾八十餘人五
世同堂壽九十六無疾卒

志辨

刁神字仲愷順治八年武舉人性忼爽邑有興除每侃
侃白當事康熙七年邑罹水災神請漕督帥顏保發匿

寶應縣志

卷十五

篤行

十

人物志

庫夫價銀三千兩代民完漕糧餘銀散給災民又舊制
漕米分解鳳陽起解多累民神復請使近鳳者解鳳充
月糧近淮者解淮充兵餉兵民兩便得轉奏鳳米改解
淮倉神之力也後又以民間疾苦條上巡撫慕天顏如
謂寶邑運河每大挑例應通泰如皋儀徵泰興等縣協
濟人夫一半市河淤塞日久應募挑濬以及典當利槩
三分差馬草料借官騷擾等事並應禁止皆關當時切
要巡撫下其議多允行其他請築子嬰溝隄減軍務沙
船免民修唬船地方皆賴之

行義錄

鄭璉字連玉嘗於路得遺金坐待其人還之失金者所

夙識也徧告於人璉聞讓之曰道不拾遺不過古人一節耳爾揚言於衆豈以我藉此沽名耶時論稱其謹厚

道光志

王凝鼎字鼎養有容子康熙九年歲貢生鄉里號爲長者寶邑疊罹水災邑令孫蕙訪以救災弭患之計凝鼎條列數萬言有申水災論旱蝗請蠲賑諸書又有請比高興求協濟河夫縉夫以及論建子嬰隄等書蕙一一申請施行晚年纂輯程朱遺書自爲一編更綜貫古今諸史附以己見爲稽古餘論年七十舉鄉飲大賓子式

丹別有傳

道光志

寶應縣志

卷十五

篤行

十一

人物志

喬蔭字廣生大學生爲人仁讓曉大義尤好施與宗族戚黨多待以舉火下及工商傭保婢獲之屬遇之甚有恩感頌之聲遍里巷叔父可聘貴終身不肯一事相憑藉宗人大桂者售其弟細桂田蔭曰如此則細桂無田矣何以生因出金償大桂贖田仍歸細桂郁存雅者蔭舅子也以窶爲業逋城磚直被笞幾殆蔭出白金代輸存雅得不死且養贍之終其身與王貞涵友善貞涵貧子廢學蔭出束修教之其爲善於鄉多此類晚年益曠達不汲汲生產結世外交以共晨夕一日與友對奕局終遂卒人以爲積善之報子出塵字雲漸號疑庵諸生

性豪逸工詩文尤嗜茶惠山中冷恆置水遞茶具最精
銚有一客二客之別閉戶三十年詩瓢畫卷酒鐺茗椀
之外澹然無事席先業甚豐好施與如其父家遂落仁
和湯少宰右曾贈詩有云四百頃田隨手盡幾人還念
鄭公貧其風趣可想也

道光志

王對字龍門諸生性和易尤孝友兄某貧困對推己產
以濟其急善氣謙光凡雀鼠爭鬥事得對言立解既沒
櫬具停寢室中夜鄰火起烈焰撲塞其門四圍倏成焦
土而對宅巋然獨存一時皆以爲盛德之報子德尊別

有傳

同治揚州志

寶應縣志

卷十五

篤行

十二

人物志

喬英字子毅可聘次子康熙九年歲貢生初提學御史
陳昌言者可聘門下士也謁可聘不見欲見英英亦不
見推官陳某欲因英通昌言充同考官英堅却之工舉
子業而養父之志終身隱退治吾園於柘溪竹石亭館
最佳與人交恬讓鄉里號爲長者

道光志

成於樂字韶音邑諸生爲人孝友醇厚以耕讀傳家教
子有義方以子康保貴封內閣中書舍人成氏以孝友
世其家人清後除曰憲曰康泰曰原正曰起曰載勳已
以孝子旌外曰於君曰於祚曰襲永曰誠全皆以孝稱
曰正邦曰榮曰王業曰王懷曰瑋曰朝幹曰原發曰祗

永曰邦鯤皆以友著其兼以孝友聞者於樂其一也於樂子康傅康保康保子申申子原一原一子惠淦惠淦子林椿林椿載勳嗣父也載勳本生父紱載勳有子蓉鏡一脈相承繩繩繼續邑中孝友成氏爲最云

道光志

劉士壯字穉公國黻父也康熙二十四年歲貢生少工舉子業喬御史見其文以女妻之兄士泰士升士晉弟士鼎皆知名士升拔貢生早卒士泰等不遇相繼卒士壯撫士升等子甚有恩立士泰士鼎後雖值水患家甚貧而殯殮士泰等皆成禮治春秋研討三傳日誦數千言國黻成進士歷仕顯要士壯屢遺書以裨益蒼生慎寶應縣志

卷十五

篤行

十三

人物志

重民命誠之居鄉恭謹雖以子貴封翰林院庶吉士不乘輿張蓋敝廬數椽麤衣糲食不殊寒士日以修德行善訓子孫次子國宸亦舉於鄉

喬崇祖字瞻聖可聘孫康熙十七年歲貢生任安東縣訓導兄病問視不頃刻忘兄旣歿遺子五女二以勞瘵傳其長次男並長女相繼歿餘三男一女皆病崇祖延致於家或怵之崇祖曰傳染有命吾不懼也調治皆得愈而崇祖家亦無恙

道光志

梁柱相歲貢生官蕭縣訓導教士有法致仕後蕭人爲立去思碑居鄉急公好義康熙丙申倡修學宮又爲廩

給單寒計捐送磨旗墩田陸百畝至今賴之

道光志

劉中從字自益號竹峯康熙四十七年舉人授中書舍人未補改石埭縣教諭辭不赴蓋不忍離親也中從生有異質穎悟絕倫事親至孝既違養歲時感愴如喪之日間舉先德訓誡子孫輒泣下不止與弟兄友愛弟卒遺孤孱弱有小人眈眈謀齧其家者中從杖拄甚力並中中從於危官爲白其冤乃免善遇族黨調饑寒助婚葬伸屈抑歲時伏臘招集長幼緒語惓惓勉以孝義平居斂退不肯有所表暴至邑之利害當興除者反復辨論弗避憎怨待人推心置腹或有侵凌遜謝不較王殿

寶應縣志

卷十五

篤行

十四

人物志

撰式丹序其文曰清和純粹穆然以深昌黎所云渾然端且厚文與行不失其世守者也子家晟家昇均篤於

行

道光志 中從同治四年追旌孝子

劉東字長源弱冠補縣學生器宇凝峻翔趨不苟事寡母貧不缺養撫諸孤姪有恩方望溪爲諸生時教授寶邑與爲莫逆交其所著古文辭俱有根柢時稱得韓昌黎歸太僕遺矩雍正元年舉賢良方正以知縣卽用分

發直隸未任卒

道光志

朱宗光字孟實號雁橋克簡曾孫父澤代負邑聞望宗光少承家訓品端學博嘗採古聖賢有關身心性命之

言彙爲二帙題曰自警編終其身肆力焉歲稔偕王大令希伊劉孝廉世讜等復興同善會煮糜粥以食饑人全活者頗衆性至孝以乾隆三十年選拔貢生例授州判職念母劉年老辭不就設帳於鄉受經者以百計年逾六十方舉子重同先其母卒病劇時口占遺句云丈夫不洒窮途淚聽到慈烏便斷腸又曰人生到此總成空只有慈親繞夢中其終身孺慕如此與弟宗贄宗文相友善老而勿衰今其子孫林立皆能讀書人咸謂積德之報以姪孫士彥贈內閣學士兼禮部侍郎宗贄別有傳宗文字理質附貢生候選布政司經歷爲人醇厚

寶應縣志

卷十五

篤行

十五

人物志

克敦孝友壽至八十八卒亦贈如宗光官

道光志 宗光同治四年追旌孝子

劉世讜字步辛號餘齋乾隆三十六年舉人性警敏總角操紙筆爲文鋒穎特出比長博涉經史徧探古作者波瀾意度所得益精粹其爲舉子業醇雅質厚不求異人而人自不能及勇於爲義人以緩急相誣諉爲盡心力不避風雨寒暑里人王大令希伊倡同善會於鄉特引世讜及朱貢士宗光爲助性伉直議論侃侃不視人意旨爲嚮背離理害教之事賴以匡正者爲多遇人無疏戚一以胸臆相與無所矯飾至於天倫骨肉之際其

孝友尤爲至也

道光志

朱宗贄字興田號野村乾隆三十六年恩貢資性爽朗學有本原弱冠受知於邑令沈錫鼎後沈官宿虹司馬延爲猶子師會有疾沈以參苓餽尋愈偶鸞其餘得貲而爲之息後數年沈歿其姪孫植蕃游寶應不得志宗贄卽以貲並所積息還贈之數頗厚大學士劉墉爲編修時督學江蘇年尙少風裁峻厲按試揚屬有訐邑廩生勒索重金事者學使怒髮盡上衝面鐵色立碎某某襴衫並黜之同舍生列左右者皆惶縮無人色獨宗贄長歎呵氣學使曰爾嘆何氣曰浩然之氣也怒益甚卽以處某某者處宗贄恬如也試竣閤郡生爲白其枉學

使猶張目顧曰朱某浩然之氣存否曰存苟浩然者不存何以爲人學使色轉霽遂復其廩先所黜者亦大半得復其他肝膽向人多類此所爲詩文氣象峻嶒一洗華靡之習書法亦遒勁以孫士彥貴贈官至吏部尙書

道光志

成光祿字受培歲貢生官天長縣訓導性孝友教士以崇正黜邪爲務某生以劣跡爲邑令所訐學政按泗州飭學官以劣報光祿力爲保全生感悟改行力學試輒優等同僚崔公卒於官貧無以殮光祿旣爲營辦且厚贈其孫俾扶襯歸乾隆甲辰邑大禋上官季查賑卹戶

口不假吏胥饑民咸得實惠至今猶謳誦不忘云子邦

鷗天性亦純至

道光志

喬燮字亮弼號理齋歲貢生天性淳篤持躬謹飭嘗董修學宮重建戚烈婦祠其急公好義罄館穀之資不惜

也卒年六十七

道光志

劉祈字介眉少極貧讀書堅苦自持嘗以銀釵付質庫比贖回則明珠纍然急返之執事者咸感佩焉乾隆丙午與從叔履恂台斗同舉於鄉官豐縣教諭庠生師正品以鄰邑鬧考獄株累被逮祈憫其母節婦且老力救免之尋告歸恩賜太常寺博士銜家居踐履樸實待人

寶應縣志

卷十五

篤行

十七

人物志

無他腸壽至八十八歲卒

道光志

華詣陶字鈞萬歲貢生孝友肫篤與人交坦然無城府同時喬德謙字循吉恩貢生與詣陶交善平居常以問學相砥礪慨世風日薄思以古道振之故兩人文行皆爲邑中所矜式道光元年同舉孝廉方正又詣陶子廷璧字仲蒼嘉慶二十一年舉人靈璧縣訓導慷慨好施家素封遂至中落又有李廷選字進思邑諸生與詣陶德謙稱莫逆交爲人篤誠無僞愛人如己愆憑善舉終歲沿途拾字紙又同時諸生張淳字古村規行矩步言笑不苟邑中善舉如同善掩骼施藥濟急等會多所倡

率又程大來字泰交讀書砥行終身無失德

道光志
耆舊傳

朱聯鑣字季和號秀圃廩貢生官安東訓導遷徐州府學教授少貧能勤儉遂積累焉性篤摯好施與振貧濟急雖巨資無愴色尤敦孝友仿范文正公義田遺法舍腴田數百畝給養族人植碑宗祠自五世祖以下族之婚嫁喪葬就學應試及孤寡無依者咸賴之邑舊有軍籍田租極重適亡舊籍無徵無賴率假以飛派農民苦之時從姪士達方守鳳陽聯鑣急函往取冊刊布村鎮事乃寢初嘗借貸與人晚年度其差貧者使自焚其券善慰之或具謝亦不受以孫百遂貴贈翰林院編修山寶應縣志

卷十五 篤行

十八

人物志

西汾州知府復以曾孫崧生貴贈一品封典子士楨附貢生鄉里號爲長者士泰字恪齋號小亭亦附貢生性孝友父疾與妻喬瀝血表祈壽得愈後親歿毀幾滅性事兄士楨恭謹兄早逝撫姪百適如子與弟士棟友愛尤篤性方正不苟取科名親沒終身不與試居鄉慷慨樂施邑中善舉無不竭力首倡家坐是中落弗恤也卒年七十有二以子百遂貴贈如其官士棟百遂均別有傳士楨子百適字敷卿天性篤至年十九宅父憂哀毀逾人事母先意承志執勞左右終其身未嘗離於鄉之興替利病憂勤一如其家咸豐初淮揚不靖百適與從

叔士恭募銳卒扞衛里閭凡數年縣恃以無警同治丁卯冬捻寇賴汶洸犯縣城北走百迺登陴嚴守寇不得逞漕督張之萬上其事進階比知府丙寅夏河決高郵清水潭縣大水百迺爲粥食饑者存活無算喜施與而自奉約飭與人交平易無町畦標寄蕭澹不慕榮進善鑒別法書名畫若尊彝鐘卣碑刻之屬洞見真僞不圭黍爽以子崧生贈一品封典又兄子士佳亦有至行苗之鋌字劍鈿號稟山素博識其學以宋五子爲宗心體力行言動有法五齡遭祖母喪侍父左右不他適父館兩浙每出必褰衣涕泣旣冠補博士弟子員授徒里

中薄得修脯卽上書速父歸丙戌辛卯邑大饑之鋌率家人食粗糲而獨以精鑿奉親用是父母咸躋大耋同治四年以孝子旌性友愛與胞弟之銀出入必偕嘉慶己卯同赴省試弟病之鋌遽偕歸弟卒終身不復與試女弟二一撫兩孤成立一與同處疾病殯葬諸事皆力任之生平操持極嚴一介不苟然言動平易近人訓生徒以朱子小學近思錄及劉蕺山人譜因材施教善誘以力行爲先工詩率本眞性情年老境困養益純咸豐紀元邑令周于諮欲舉之鋌孝廉方正固辭之甥祁宗亮門人湯品槐傳其學宗亮少孤事兄和順能化其妻善事

兄嫂終身無間溫醕簡默不爲矯飾言行必秉諸禮嘗著孝譜韻言一卷詞旨悱惻通天文手繪恆星圖能正舊圖之失品槐性至孝家事必稟母命後行怡愉養志四十年如一日居喪盡禮哭泣震鄰右茹素三年儼然骨立教人必以孔孟爲歸從事許氏之學尤精確云

王瑤楨字戟門增貢生八歲喪父柴瘠儼然見者哀之母劉治家嚴整貧而樂善瑤楨敬承母志遇有急難者赴義恐後嘗客海陵有某氏女已字人壻遠出久不歸母苦貧將鬻女爲人妾瑤楨質篋衣償所負女得不鬻又婦某有身夫死貧不能活瑤楨賙之後婦生男又節

婦某無子資以金擇其族賢者爲之後又貞女某夫死將往壻家持服舅姑辭以貧瑤楨倡首出金女及夫族皆感奮助之女遂行其志道光辛卯大水明年復饑瑤楨釀金逾千活人無算坐是逋負萬金無幾微怨悔少師同邑貢生潘槐庭嘗繪禹貢圖鄭氏儀禮圖瑤楨與參訂焉中年以後讀易丹黃不去手一日讀至亢龍有悔慨然曰乾四德具備上九過中猶不免亢悔况其他乎用是致力於謙卑遜順之道至老彌篤以子凱泰貴洵膺封典而偃僂益恭鄉黨有相爭者婉辭勸諭之立解歲不下十餘事日寢饋於程子易傳朱子本義及宋

元人說易碎語體而行之終其身

胡桂宣字少旬號月颿諸生篤摯好學咸豐初年賊擾江許桂宣率鄉兵登陴守禦城獲完當道上其功辭弗受好施與周恤貧士解衣推食有古俠士風

劉鵬字雲儀彥矩子嘉慶二十三年副貢少穎異平居動遵禮義性尤孝友父卒京師鵬哀毀扶櫬喪葬盡禮時弟鷗幼鵬愛撫逾恆親加課訓鷗得名既長兄弟怡怡至老不衰晚年以食指繁折產鵬以肥腴授弟而自取薄瘠未幾鵬之瘠者亦變爲腴人謂友愛所感弟妹婚嫁資皆竭力爲之不足助以妻奩從子蘅幼失怙

寶應縣志

卷十五

篤行

二二

人物志

恃鵬育之一如己子更爲置田宅贍其家先後族黨多受其惠邑善舉如修城隍治橋梁施衣藥米石卹幼助振皆勇於必爲子蓀道光己酉科拔貢咸豐壬子科順天舉人官工部主事蔭道光己酉科優貢正藍旗官學教習欽用知縣刑部員外郎分省知府蔚同治甲子科順天副榜內閣中書藻廩貢生皆有至行澤及於鄉孫啓彰廩貢生善屬文與人坦然無城府邑善舉學務多賴振興啓彤啓襄別有傳啓彭字紹祖廩貢生候選訓導光緒三十二年邑西鄉大稔啓彭倡義振親履災區奔走數閱月活人無算後數辦平糶心力交瘁未幾卒

年五十有三

吉懷慶字蔭軒諸生以能文名宅心忠厚喜調戚族之貧者外甥劉瑑好學遠遊懷慶爲理家政有覬覦劉產者賂以金懷慶卻之終不使劉知值世亂隱居求志以詩酒自娛著有留刪草詩集卒年八十有二弟延慶字醉箕諸生誨人不計修脯尤樂周急客泰州夜聞鄰哭乃某嫗失子所在家貧債迫將嫁媳以償延慶傾囊與之得免每歲莫訪邑貧者潛投以資不使知也延慶子鴻猷字子純號菁湖亦諸生性孝而廉晉商侯某旅於邑歸以數千金相託十年復至啓匣視之不爽毫釐妻父病將歿遺產直數千金鴻猷不受與妻祁並工詩善奕尤精醫理貧病者求治盛暑嚴寒罔不立應母不悅則與祁長跪終日色霽乃已

程文字緯之諸生幼失怙恃與兩弟眠食相從依爲性命迨少長昆季多故治家數十載不私己財撫姪輩成立分析仍處之以讓

吳榛字瞻麓性嚴毅重然諾見義勇爲爲富紳徐攀桂司會計會歲寒徐贈之裘榛以衣凍者歲俸所入悉以濟貧家恆不能舉火妻舒以針黹佐米鹽成其志道光甲申冬洪澤湖十三堡決口村落盡沒災民升屋緣樹

危在旦夕榛慨然謂徐曰公輸財我捨命數千人可救也孝子祁元福在側力勸之遂僱舟二百餘隻並延醫購棉衣餅餌薑糖藥丸以往榛堅冰在鬚指揮不倦倉皇失足落於湖覺有人擁之起高丈餘旋落船首見者異之是役撈瘞千餘尸全活數千人事畢一歸功於徐祁布衣蔬食終其身子霽森道光癸卯科舉人同治六年捻酋賴汶洸竄擾守城有功徐攀桂字香秋饒於財樂善不勸邑中興水利修古蹟若諸善舉靡不首爲之倡

劉鈞字克舉歲除偕僕暮歸路旁見遺囊探之錢六百寶應縣志 卷十五 篤行 一三三 人物志 緡銀數兩僕請攜之鈞正色曰此不義財也失者無以度歲性命且莫保吾願守之達旦須臾一人號泣至詢之數實符且云迫於債質衣物之資不得將赴水死耳鈞亟還之問姓名不告而去

劉同苞字筠溪性好施每歲莫出粟百餘石寒衣數百襲以濟貧乏數十年無間親族有急難者恆貸巨金不吝同治五年歲饑筠溪出粟以振鄉人黠者意不足糾黨掠其儲空之大吏捕其魁按以律筠溪泣請曰若輩迫饑寒情可原也且我有餘粟不能盡貸之以遂其生我實有疚心焉請赦之以殺吾過大吏爲寢其事子三

濤三湘皆篤於行與世無忤云

居廣子袞堂少失恃哀毀逾恆事繼母如因母友愛兩弟尤篤仲弟康字健堂孝友與伯兄埒曾出粟三千石贍族人義粟圖鄉先生多題詠之季弟序字雅堂九歲孤事母以孝聞事必稟兄命而行睦族之舉兄倡於前弟繼其後嘗召族人問所乏出三千金分給之歡聲雷動如是者再又與兩兄捐巨貲建宗祠置祭器修族譜嘉慶道光間邑疊罹水患序偕兄擘畫振事全活無算

陸燾字耐庵性忼爽爲人所重事巨細得燾言紛立解邑令下車恆造謁諮詢邑有公益燾力陳不稍隱道光中黃流未徙水屢爲災燾倡捐築圩自城市河東沿岸鳩工成太平堤農民世食其德辛卯大水燾事振濟活者尤衆趙總制盛奎上其事賜六品職邑布衣以德望膺嘗者自燾始從子嘉禧字樗隱廩貢生閑靜寡言事親孝與人交以氣節切劘善詩古文辭大府慕其才爭延致之著求是齋集嘉禧子嶧字補舫嗣其學有聲庠序幼孤兄嶢早歿依嫂朱成立事之惟謹與弟岱友愛不較析產嶢岱無出以其子兼嗣之著有睽雲草堂詩

稿

喬元臣字勇菴崇烈孫生三歲而孤母劉教之成立與
淮安邱侶從邑大儒朱澤澐講性命之學探討性理多
所心得澤澐獎掖後進不輕許可獨心嘉元臣元臣性
孝友遭母喪哀毀骨立叔父母早世兩弟幼攜之歸教
養備至兩弟先後逝又撫其遺孤僑居邱某貧病歿元
臣斂之

芮鴻飛字雲浦優廩貢生性沈靜敦篤與同邑祁式璟
切劘學問就正於邑儒成蓉鏡家貧教弟子不計修脯
成就者衆鹽城仇樞貧而嚮教鴻飛不責束脩教之成
名嘗省試之金陵聞有舟覆燕子磯者幸獲救莫名一

錢已一日不食矣鴻飛傾囊倡助之遂得歸里光緒辛
卯鴻飛年八十一例得壽榜不赴其胸襟曠淡多類此
芮鴻儀字巽三由恩貢中同治庚午科舉人親疾禱北
斗數十夜無間親獲瘳鴻儀嘗嬰危疾懼貽親憂噤不
自呻楚與伯兄友愛時周其匱乏己酉房師陳敦詩初
未識面陳避寇來邑稱貸以助陳後報以金辭不受有
張氏子早失怙恃鴻儀衣食之邑之育嬰堂立貞堂暫
棲所義學皆釀金以助晚年署碭山教諭卸篆年餘卒
刁鳳喈字聲六號小梧增貢生剛方質直里爭省得鳳
喈片言立解工書善屬文好施與嘗倡建宗祠又毀產

數百金修家乘子崇謙字退山號髯樵廩貢生性誠樸
毋欺親多疾晝夜侍側久益不懈親歿哀思終其身友
於兄弟嘗以己產益其兄並倡修宗祠崇謙恃筆耕餬
口坐是貧甚不顧也肆力詩古文詞書畫篆刻靡弗工
著有餘事詩文集率真吟草又烏夜啼省墓鵲鴿篇皆
思親懷弟之作

郝承恩字立堂號湛園歲貢生慷慨好施隆冬散衣若
米戚友有貧且病者輒攜貲親詣與之未嘗示人又捐
田五拾畝爲歲冬粥振基礎里人頌之

芮嗣奎字掌文秉性光明遇人急難竭力扶持善舉如
寶應縣志 卷十五 篤行 二六 人物志
振饑義渡義學義地文昌宮魁星閣樓皆提倡經營不
遺餘力又芮序璋字達夫兄子貧乏畀以巨金振卹貧
民無微不至歲患蝗獨捐貲僱役日夜監捕旱成出穀
賤糶又力成粥廠以濟餓凍者卒年七十有八又芮光
泉字石渠邑諸生性友愛兄弟析爨與季弟東榮均讓
產弗取仲弟家中落仍復養其女而嫁之卒年七十有
七

朱百莖字葦塘幼質魯竊自淬厲未十歲而貫通五經
未幾遊庠食餼均冠軍文譽隆一時甲子鄉試已堂備
以他人事被擯時論惜之性孝而惠尤多隱德立身謹

嚴教士以劉氏人譜爲根本年七十三卒著有葦塘詩
賦鈔二卷

朱百爲字守之貢生喜施與人有緩急胥歸之頻年備
藥餌以濟貧病歲莫又施米拯餓者終身行之不倦從
姪芝生字友蘭穎悟好學尤篤孝友邑有善舉盡心力
爲之勸恤嫠會以飲孤寡歲寒施放衣米必親其事

徐鑄金字鎔甫附貢生官句容縣訓導與弟廷槐字植
之浙江通判并負樂善名咸豐丙辰鹽邑饑災黎麇集
達數千人鑄金與廷槐設兩粥廠以收養之歷數十日
後邑有赴鹽貿易者遇盜詭稱徐使盜捨之去又與鹽

寶應縣志

卷十五

篤行

二七

人物志

有爭鬥事詢之徐鄉卽不與校皖災有程某避難至鑄
金廷槐解衣推食并贍其家鑄金司鐸句容砥礪士行
飲助諸生貧不能試者歲稔攜巨款振之去時士民爲
立德政碑後句被兵渡江求助者鑄金又留養年餘全
活甚衆生平尤喜刊行善書與人著有養拙軒詩集廷
槐尤以孝聞母老多疾廷槐侍湯藥者十年母卒哀毀
不復仕

朱雲生字漢金號仲書士達孫光緒丙子科舉人生而
岐嶷讀書目下十行年十一卽工文善書援例入監讀
書咸豐丁巳考取漢謄錄官議叙知州同治丙寅清水

潭決邑大饑雲生倡設粥振四鄉復平糶城中躬親其事賴逆南竄又練團以衛鄉閭戊辰賊益猖獗每掘人墳墓雲生躬冒艱險乘夜渡湖至雲山遷其祖墓歸與兄弟謀改葬之辛巳苦旱槐樓巡檢某以郎兒聞啓閉爲利藪歛費不遂以鄉人毀閘上聞漕督文彬遣兵往勦幾釀民變雲生告以實召軍還事乃息丁亥鄭州河決採辦振米遠涉洪湖自以資往累薦加知府銜戴花翎己丑引見以知州分直隸歷充土藥局總辦兼管銅鉛運解事務皆有亮績甲午覃恩賞三品封已叙補磁州李文忠鴻章強以易其鄉人雲生坦如也是年冬中

東事起憂憤填膺齋志以歿弟綬生字紫若以母老不仕母病衣不解帶者數月與妻龔全割股進卒不起毀幾滅性嫂李歿遺女使妻並乳之邑世族喬氏女孤苦無依綬生撫養嫁之歲時往來如所生兄蓮生建貞節堂以巨金助之光緒己丑邑湖西稷倡捐振米全活甚衆海防振饑集款尤鉅以功歷擢知縣綬生曰州縣爲親民官不慎則殃民終不應一就鄂岸分權差以功晉同知分四川兄雲生歿愴懷逾常人未一載亦卒年四十有八伯兄子孫苾字次芬諸生穎異好學以籌振功累擢知府以道員用父壽鏞以所創敦睦家塾改學校

苾佐之甚力

王聯鑣字棣華同治丙寅清水潭決邑大水東鄉圩隄冲塌田與蕩連農佃苦之聯鑣倡修蜺墟莊三元堤工成賠款千餘緡家坐是日落邑某重其爲人以會計畀之性耿介忠於所事薪金外一無所取家貧屢空晏如也同時有喬迺寬者字柔之廩貢生清水潭決迺寬倡修蜺墟莊四合隄賠累亦甚鉅鬻產以償無悔焉

劉奉詔字子丹歲貢生性純厚善體親心以館穀奉甘旨撫諸弟竭盡心力淡仕進好縱談古今人物豪放不羈

寶應縣志

卷十五

篤行

二九

人物志

朱樹枏字仿梅號梗卿光緒甲申歲貢卽選訓導性至孝尤慷慨好施母壽八十不願稱觴樹枏承親意移筵資三百緡施粥振饑邑人踵之爲同善堂粥廠至今不衰邑人苗汝詵家貧嚮學無資乃招與諸子同讀卒以成名主畫川書院力事撙節得續置田租優給生童膏火就畫川前翦淞閣舊址重建一亭題曰懷舊母居有奩田二百畝母歿返之舅家族某年老無依養之終其身晚年力學不倦日手一編著有春秋集錦以子雲鵠贈中書科中書又有劉弼者字致臣太學生閉戶潛修言規行矩精心朱程之學尤好施與

劉煥庭字曉農讀書有高志撫卹戚黨無難色或施以非禮置之不與校盛暑必整其衣冠屏一切聲色狗馬之好以敦勵士行爲己責焉又劉穀字雪橋號性禾兩兄先後逝遺孤撫之如己出卒以有立監修孔子廟款絀出己資濟之喜施與里中受惠者甚衆又劉丙奎號耀齋恩貢生家貧事母孝有延爲幕賓者以母老不出又劉喜生字蘇亭廩貢父遊幕帥弟力學弟歿撫姪成立善誘後進四方來學者甚衆又劉筵字冰初亦篤於行

丁乃元幼孤母高守苦節三十年盛暑必著布裙里人稱布裙丁媪乃元克承母志家故貧每食具甘旨毋缺母卒哀毀骨立有司上其母節於朝乃元奉主人祠涕泣擗踊觀禮者無不感動

刁雲慶字舜卿廩貢生同治四年河湖異漲雲慶糾工築隄民賴以安漕督吳棠聞於朝賞國子監學正銜以訓導試用任蕭縣訓導立節孝祠施材局任邳州置義冢創官渡歷署海州學正六合教諭江浦訓導皆有政聲歸成惜字社創施材局濬後河修要路樂善至老不倦卒年七十有八

周之德農家子親沒葬宅旁哭泣三年不輟喜放生好

施與有田百畝躬耕自給歲入半以振貧
任珏字漸達號晉珍慷直好施鄉里有糾紛每解囊息
之教子皆能成名

相文煥字成章九歲而孤母疾宵晝不離親澣廁愉嗜
學好善里人時有稱貸貧不能償者焚其券歉歲尤多
所周濟子璪字雨生同治癸酉經魁博通典籍性夷曠
不樂仕進以揀選知縣終主講河南府周南書院暨嵩
縣伊川書院成就者衆居恆儉約自守集聖賢語錄爲
一編以示子孫有熊原名璟字遇軒光緒十八年歲貢
性剛正一夕自塾歸有婦來奔正色拒之終不以告人
寶應縣志 卷十五 篤行 三一 人物志

胡壬源原名綸裕字佐卿拔貢生同治庚午科舉人徐
州府教授崇祀忠孝祠天性篤孝恭儉自持於學無不
通年十五府試輒冠軍湖南學政顧雲臣江甯駐防將
軍穆瑞亭漕河總督松峻峯先後禮聘之司鐸徐州又
主講雲龍書院侍其門者咸諄諄相勗一厲以聖賢身
心體用之學故一時多成才云

王毓敏字遜之凱泰弟附貢生敦厚謙謹非公事不見

邑宰尤好善獨力修邑通濟橋及市河若粥廠因利恤
嫠俱各輸數百金每歲施藥拯病者卒年七十

林桂枝字一齋射陽鎮人廩貢生家貧劬學博聞強記
凡天文輿地術數醫卜之屬莫不條舉貫澈尤盡心性
理窮理格物夙夜惺惺晚年境益困餽粥恆不給偶得
錢或值有急者悉以與之歸而忍饑怡然自得與同邑
成蓉鏡儀徵陳彝創同善社會文濟貧不遺餘力

王國棟字佐卿性忼直母歿哭泣無虛日葬則晨必詣
墓祭必哭至老不渝與諸弟彙尤友篤先人遺產悉以
讓之教子有方五子皆能成名

柏曉芹字泮卿諸生居應家集集濱湖多淤生柴鄰近
爭攘其利曉芹倡義以柴灘歲入爲學子賓興費邑有
賓興自此始

戴聯慶字書雲讓產於兄已偕妻力勤以謀生有餘則
又助兄之不逮歲荒施粥食餓者居邑仁和集同治元
年捻匪過其地聯慶出資買舟送里人避於湖復糾其
健壯者守衛之曾施田彤華宮集之婚喪不辦者皆竭
力助之其里號爲善人卒年八十有七

張崇先字守之西鄉張家集人好施與里饑輸穀賤糶
集濱湖屢遭水患光緒八九年間尤甚崇先定五圩合

一法召流民歸築圩以工代賑費欸至鉅保全者亦至大光緒二十五年水漲圩復破崇先子萬青萬春又繼其先志出資興築圩賴永全又王津春時安莊人時安汜西兩莊多被水患倡築同心大圩光緒十一年津春獻書左公保請以高寶田賦分十五年帶征並就兩湖濱公築高寶聯合圩當事半功倍左公贊許之更同心爲全興未幾津春以勞瘁嘔血卒事遂寢

郭維濟字小溥性篤摯善撫弟姪析爨取瘠而少者好施與鄰負其責千餘緡歲大水年饑維濟悉焚其券復以家儲米穀百數十石煮粥施餓者後村遭回祿三十

餘家悉成灰燼維濟獨無恙更以錢米施被火者未幾村又火將及維濟宅風反火滅人咸異之晚年怡情風雅爲擁蓮隱院又築洗心居數楹觴詠其中著有洗心居吟稿卒年七十二

潘蔭森字召棠廩貢生繼母弟蔭穀四齡失怙恃蔭森命其妻乳之出入顧復少長寢食與俱教養備至蔭穀亦謹愿敬事兄兄外患劇蔭穀禱於竈剗股肉和藥進乃瘳嫂歿姪慰農生甫八月蔭穀復使其妻乳之兄卒哀痛逾恆喪葬一準諸禮撫兄子成立

劉元熙字南徵孝子煜子諸生性耿介好施與每歲杪

罄一年所節購米濟貧家有喜壽慶賀貲所入悉以振
饑邑令徐欲以育嬰事付之元熙重其事謝不應精堪
輿年七十餘卒